

# ՀԱՅԱՍՏԱՆԸ ՄԵՂԱԴՐԵՑ ԿՐԵՄԼԻՆ

Վերջին իրադարձությունները զեհաշենում, Սարսունաշենում եւ Հայաստանի սահմանամերձ շրջաններում համաշխարհային մամուլի ուշադրության կենտրոնում են: Իրադարձությունների անդրադարձել է նաեւ «Հյուրիյեթ»-ի մուսկովյան թղթակից Ներդուն Հաջիօղլուն, Տվյալ թերթի աղբյուրի 7-ի համարում լույս տեսած «Հայաստանը մեղադրում է Կրեմլին» վերնագիրը կրող հոդվածով: Նոյաճարակահարձաւ են գտնում այն ներկայացնել ընթերցողի ուշադրությանը:

**ՄՈՍԿՎԱ Հյուրիյեթ, ժայիսի 7 -** Հայաստանի Հանրապետության նախագահ Լեւոն Տեր-Պետրոսյանը Ադրբեջան - Ղարաբաղ սահմանի վրա հայ գրոհայինների եւ խորհրդային ու ադրբեջանական զինված ուժերի միջեւ տեղի ունեցած ընդհարումների հետեւանքով, որոնք 36 հոգու սպանության պատճառ դարձան, մեղադրեց Մոսկվային: Նրա տեսակետի համաձայն, վերոհիշյալ դեպքերը ծառայում են անկախության ուղին բռնած Հայաստանին պատժելու նպատակին: Լեւոն Տեր-Պետրոսյանը անցյալ ուրբաթ հանդիպում ունեցավ պրեզիդենտ Գորբաչովի հետ, որի ընթացքում բնարկվեց Ղարաբաղում եւ Ադրբեջանի հետ Հայաստանի սահմանամերձ շրջաններում ստեղծված լարված իրավիճակը: Իսկ նախորդ օրը կազմակերպված մամուլի ասուլիսում նա տեղեկություններ հաղորդեց հանդիպման արդյունքների մասին: Տեր-Պետրոսյանը նշեց, որ մեկուկես ժամ տեւողությամբ հանդիպման ժամանակ ինքն անձամբ երաշխիքներ է ստացել խորհրդային Միության պրեզիդենտից, որ հայերի տեղահանությունը բացառվում է:

Լեւոն Տեր-Պետրոսյանի կարծիքով Մոսկվան ու Ադրբեջանը համագործակցելով միմյանց հետ, Հայաստանի դեմ արշավ են ըսկսել, դարձնելով այն պետական ահաբեկչության զոհը: Այնուհետեւ նա ասաց. «Հայաստանը շարունակում է ընթանալ անկախության ուղիով: Եւ քանի որ Մոսկվան ոչ մի կերպ չի կարողանում հանդուրժել դա, հետեւաբար մեր հանդեպ դիմում է պատժիչ միջոցների: Տվյալ դեպքում Մոսկվան մեկ քարով երկու նպատակ խփելու նպատակ է հետապնդում. մի կողմից ցանկանում է տաք վիճակում պահել Ղարաբաղի հարցը եւ ամեն կերպ խուսափելով լուծումից, հասնել դեմոկրատական ընտրությունների միջոցով իշխանության գլուխ եկած ղեկավարության

հանդեպ ժողովրդի աջակցության նվազումին, մյուս կողմից պարզեւտորել խորհրդային հանրապետությունների կոմունիստական վարչակարգի գրեթե միակ ներկայացուցիչը հանդիսացող Ադրբեջանի ղեկավար Մուխալիբովին»:

Նախագահ Տեր-Պետրոսյանը պնդեց, որ անցյալ շաբաթ խորհրդային եւ ադրբեջանական զինված ուժերը հարձակվելով հայկական երկու գյուղերի վրա՝ «36 անմեղ մարդկանց» սպանության պատճառ են դարձել: Նա շեշտեց, որ ներկայիս դեպքերը, 1990 թվականի հունվարին Բաքվում տեղի ունեցած իրադարձություններից, էապես տարբերվում են: Հանրապետության նախագահի պնդմամբ Բաքվի իրադարձությունները տեղի էին ունենում երկու ժողովուրդների միջեւ, իսկ ներկայիս իրադարձությունները հերահրվում են խորհրդային բանակի կողմից:

Սարտուհաշեն եւ Գետաշեն գյուղերը, ուր տեղի են ունենում խորհրդային եւ ադրբեջանական զինված ուժերի ընդհարումները հայ գրոհայինների հետ, մտնում են Ադրբեջանի սահմանի մեջ: Սակայն վերոհիշյալ գյուղերում հայերը կազմում են բացարձակ մեծամասնություն:

Ինչքան էլ որ Հայաստանի առաջնորդը պնդում է, թե ընդհարումների ժամանակ սպանվել են անմեղ մարդիկ, այնուամենայնիվ խորհրդային պաշտպանության ու ներքին գործերի նախարարությունների համատեղ հայտարարության մեջ իրադարձությունների պատասխանատվությունը բարդվում է հայ գրոհայինների վրա: Հայտարարության մեջ շեշտվում է այն հանգամանքը, որ «հայ գրոհայինների հարձակումները զինված ուժերի վրա նոր թափ են ստացել եւ խորհրդային բանակը պատրաստ է կատարել արյունահեղ իրադարձությունները կանխելու իր պարտականությունը»: